

**Oqaasiliortut oktoberip 10.-anni 2003, nal. 10.00 Oqaasileriffimmi ataatsi-
miinnerannit imaqarniliaq.**

Peqataasut: Carl Chr. Olsen, Stephen Heilmann, Nuka Møller, Ellen Jensen

Allatsigalugu: Pia N. Knudsen.

Oqaluuserisassat:

1. Ilisimatitsissutit
 - a. Perorsaanermi taaguutit
 - b. Ordbogen
 - c. GEUS suleqatigalugu nunat aqqinik suliaqarneq
2. Kingullermik ataatsimiinnermit imaqarniliap akuerisassanngorlugu saq-
qummiunnera
3. Avannaamioqatigiinni ataatsimiinnerit
 - a. Nordisk sprog møde (Nuka Møller)
 - b. Nordisk Sprogkonvention pillugu ataatsimiinneq
4. Sprogteknologi pillugu ataatsimiinnissaq.
5. Taasariaqartut allat

-1 pillugu-

a.


CCO: Oqaasiliortunut tamanut, minnerunngitsumik Ellen Jensen-imut Danmarkimi ilinniareerluni nunatsinnut uteqqinneranut Oqaasiliortunullu ilaasortan-ngoqqinneranut CCO tikilluaqqusivoq.

CCO: "Oqaatsinik allattuiffik" qanittukkut atuagaaranngorlugu Perorsaanermik Ilinniarfiup Oqaasileriffik suleqatigalugu saqqummersinneqarpoq. Atuagaaraq perorsaanermut tunngasunik ilinniagalinnut tulluuttunngorlugu suliaavoq, oqaaseq arlalinnik isumaqaraangat isumai tamarmik allanneqartarput ilinniar-
tunillu atoruminartunngorlugu suliaalluni.

CCO atuagaaqqap siunissami ordlisti atorlugu suliareqqinnissaanut isumalluar-
poq.

b.

CCO: Orbogen-ip saqqummernerata kingorna kukkunerit, amingaait naqinner-
liukkallu iluarsaanneqarnissaat oqaloqatigiissutigineqarsimavoq.



Oqaloqatigiinnermi isumaqatigiissutigineqarsimavoq iluarsisariallit Inerisaavimmut ingerlatinneqartassasut Ordbogen-illu naqeqqinneqarsinnaanera eqqartorneqarsimasoq CCO oqarpoq.

c.

CCO: GEUS tunup avannaarsuani nunat aqqisa allorniusami sumiinnerinik nalunaarsugai Piap misissorlugit suliarai. Oktobarip 15.-anni 2003 misissuinerup naammassineqarnissaa naatsorsuutigineqartoq CCO-p oqaatigaattaaq.

-2 pillugu-

CCO: Kingullermik ataatsimiinnermit imaqarniliap akuerisassanngorlugu saqqummiunneqarnissaa tulliani ataatsimiinnissamut kinguartinneqarpoq.

-3 pillugu-

a.

NM: Augustip 28.-nniit septemberip aallaqqaataat ilanngullugu Nordisk sprog-møde ingerlanneqarmat NM peqataavoq.

Ukiup tullianut aningaasaliinissanik eqqartuinnermi Oqaasileriffik 170.000 koruuninik aningaasaliiffigineqarpoq, aningaasaliinnermi tunngavigineqarput medicinsk ordlistiliaq aamma psykisk arbejdsmiljø-mut ordlistiliaq.

Nordisk sprogrådi allatut aaqqissorniarneqalersoq NM-p oqaatigaa.


CCO: Ulloq manna tikillugu Nordisk sprog Nordisk Ministerrådilu immikkooortut inissisimapput. Ukiortaamiit ataatsimut inissinneqarnissaat anguniarneqarpoq, tassa Nordensprogrådimik taaguuteqalissaaq taasumalu ataaniilissapput Nordisk Ministerråd sprognævnilu, taakkulu illugiimmik sullinneqassasut CCO-p paasissutissiissutigaa.

b.

SH: SH Sprogkonventionimut CCO taarserlugu peqataavoq. SH konventionimi peqataanerminut avataaniittutut misigisimavoq nunat avannarliit peqataatitaat tamarmik justitsmisisteriaqarfinit aallartitaallutik peqataasimmata.

SH-p oqariartuutitut saqqummiussimavaa Kalaallit Nunaanni nunanut allanut tunngasut Danmarkip tigummimmagit Namminersornerullutik Oqartussat tamanna pillugu oqaloqatigineqartariaqartut.

CCO: Nunatta Danmarkimit aqunneqarani konventionimut ilaasalernissaanut ingerlaqqinnissamut suliaq ingerlanneqartoq CCO-p oqaatigaa.



Nunanut avannaamioqatigiinnut tunngasut Udenrigkontorimut ingerlateqqinneqartalissasut tassangaanniillu suliareqqinneqartalissasut CCO-p oqaatigaattaq.

SH: Kalaallit Danmarkimi najugallit kalaallisut sullinneqartalernissaat ataatsimeersuaqataasut ilaannit isumaqatigineqanngilaq Kalaallit Nunaat statip iluaniimmat.

CCO: Kalaallit Danmarkimi najugallit kalaallisut sullinneqarsinnaalernissaannut anguniarneqassappat atuagaaqqami "Oqaaserli"-mi qupp. 24-miittoq "Kalaallit Danmarkimiittut" tunngavigalugu suliaq ingerlanneqarsinnaasoq CCO-p oqaatigaa.

Novembarimi ataatsimiittoqaqqilerpat juritiskitut tunngavigineqarsinnaasoq CCO-p oqaatigaattaq.

-4 pillugu-

CCO: Oktobarip 17.-anniit 19.-annut Sprogteknologi pillugu Københavnimi ataatsimiittoqalerpat Per Langgård Ellen Jensenilu peqataassapput.

-5 pillugu-

SH: Salomine Tobiassen-ip Tunumiut oqaasiisa aallaalluinnarnerat pillugu aallaqaatitassiani aallaavigalugu Oqaasileriffimmut allagaqassasoq SH oqarpoq.

CCO: Kalaallit oqaasiisa suliarineqartarneri oqaatsinik ilisimatuunik ingerlanneqartartussaasut aammalu inuiaqatigiinnut paasissutissiissutigineqartartussasut CCO-p eqqaavaa.

Inuit Aqqinik Akuersisartut: Inuit aqqinut suliat tamarmik Oqaasileriffimmut saaffiginnissutigineqartalissapput Oqaasileriffimmullu piginnittussaataaneq nuunneqassalluni.

Ataatsimiinnissaq tulleggissaq Oqaasileriffimmi

Carl Chr. Olsen
Siulittaasoq

Pia N. Knudsen
Allatsi